

বনের মধ্যে টিয়া

চতুর্দিকে দৃশ্যদূষণ চোখেও লাগে ক্ষয়
অন্ধকারের অন্ধগলি কেবল জাগায় ভয়!

অঝাসের তীর বাতাস দখল করে ঘর
স্বপ্নঘরে শব্দবহুল রঙের নির্বার!

মাসী - পিসী বন - কাপাসী বনের মধ্যে টিয়া
সব পুড়ে যায় সব দূরে যায় কদমতলা দিয়ে।

ডানে হিংসা বামে হিংসা হিংসা মধ্যখানে
তারি মধ্যে দাঁড়িয়ে মানুষ সজ্ঞানে সজ্ঞানে।

।। স্বেচ্ছাহত্যা ।।

তোমার ধূসর দেহে ছড়িয়ে রয়েছে বহু ছাই
তোমার মুখের কাছে পড়ে আছে গভীর তুষার
আজ আর অস্বীকার করবে কী ক'রে আর বলো
শিকার হয়েছে শেষে প্রতিদিন স্বেচ্ছাহত্যার।

অঞ্জন বন্দ্যোপাধ্যায়

